



UNIVERSITÄTS-
BIBLIOTHEK
PADERBORN

Universitätsbibliothek Paderborn

Galeoti Martii Narniensis De Homine Libri Dvo

Galeottus <Martius>

Basileae, 1517

Perna

urn:nbn:de:hbz:466:1-31834

tractum uidetur. nam luna in his signis multa operat. Vnde illud dictum est a Ptolemæo uigesimo, uerbo, libri Fructuum, Verendum esse, membrum ferro tangere, cum luna est in signo illius membri.

• P E R N A •

Perna.



VERTEBRA pedis, ad calcanei finem, Perna uocatur & Petasus. Perna autem a pernitendo sicut & pernix. Vergilius quarto, Pedibus celerem & pernicibus alis.

Ex hoc perna antiqui & petasum dixerunt suis partem. Persius, Petasus. Et piper & pernae Marci monumenta clientis.

Cato primo de re rustica, Pernas sic salire oportet, in dolio, aut seria. cum pernas emeris, ungulas earum praecindito. salis Romanensis in singulas semodios. Hinc Supernati dicti sunt, quibus femina sunt succisa in modum suillarum pernarum, ut ait Festus. Vnde quorundam imperitiam admiror, qui terga suis, cum omnibus fere appendicibus pernam significare putauerint. Cum hac dicantur terga, siue

Terga.
Tergora.

more antiquo tergora. Iuuenalis, Sicci terga suis, rara pendentia crate.

Plautus in Captiuis, Arripuit gladium, pertruncauit tribus tergoribus glandia, aulas, calicesque omnes confregit, nisi qui modiales erant. Idem in eodem loco, Ut ego collos pertruncabo tergoribus. quanta pernis pestis ueniet. quanta labes larido. quanta sumini absumendo, quanta callo calamitas.

Petasus.

Sed pernam petasum quoque diximus appellari, Plautus in Amphitryone, Ego has habeo usque in petaso pinnulas. Tum meo patri autem torulus inerat aureus sub petaso. id signum

signum Amphitryoni non erit. Dicitur etiam petaso. onis. Petafo.
onis
Martialis tertio,

Capparin & putres capas hallece natantes.

Et culpam dubio de petasone uoras.

Iuuenalis diminutiuum facit

Siccus petasunculus & uas

Pelamidum.

Sed a perna pernio morbus ex frigore a uertebra ad calca- Pernio:
neum exulcerans. Plinius uigesimo octauo naturalis histo-
riae, Perniones ursinus adeps, rimasq; pedum omnes arcet.

efficatius alumine addito. Petasus pro petasi calciamento Petasus
p calcia-
mento.
ponitur. nam eam partem tegit. Et hinc deriuat petasatus. Petasat:

Suetonius in uita Augusti, Solis uero ne hyberni quidem Suffragi-
nes.
patiens, domi quoq; non nisi petasatus sub diuo spatiaba-
tur. In quadrupedibus Suffragines dicunt eas partes, quas

nomine petasi comprehendit monstrauiimus. Suffragines
autem dictae, quia subtus uidentur frangi, cum flectitur lo-

cus ubi pes iungitur cruri. Plinius octauo, cum de cauda bo-

uis loquitur, crescit uni donec ad uestigia ima perueniat,

quamobrem uictimarum probatio in uitulo, ut articulum
suffragines contingat, breuiore non litant. Quod etiam te-

tigit Vergilius in laudem bouis, tertio Georgicon,

Et gradiens ima uerrat uestigia cauda.

L. Columella septimo, Suffraginosae, hordeacea farina im-

ponitur, mox suppuratio ferro reclusa linimentis curatur.

Idem quinto, semper circa crus dolabella dimouenda terra
erit, & si soboles quam rustici suffragines uocant, radicibus
adhæret, diligenter explantanda, ferroq; alleuanda est.

Calx.

CALX

Calx.
Calcaneū

RVS finitur in pedem. Sed pes plures habet partes, hoc est, calcem siue calcaneum, siue talum, uolam & digitos, Sed prius de calce. Calx igitur posterior pars pedis a calcando dicta est, unde & calcaneum, Vnde illud in Moreto, Continuis rimis calcanea scissa rigeabant. Et Hieronymus, Crinitum calcaneo tenus hominem. Vergilius, Quadrupedemq; citum ferrato calce fatigat. Et hinc est quod calx plerumq; pro percussu pedis ponitur. Iuuenalis,

Aut dic aut accipe calcem.

Calcitro/
fi.Calx pro
bitumine
ædificio/
rum.Fornax
calcanea.
Calcari⁹.

Vnde & calcitrosi dicti. L. Columella secundo, Iuuenemq; recte tractum, calcitrosūq; eum reddidit, nonnunq; tamē admoueat flagello. Sed calx quoq; dicitur bitumen ædificiorum, quia ita lapides simul astringit, ut calcati uideantur. Et hinc fornacem calcaream, & Calcarium, qui præest fornaci dicimus. Cato de re rustica, calcem Partiaris coquendam qui dant. Idem in eodem, Et calcarius ligna conficit ad fornacem. Sed quidam grammatici dicunt calcem pro parte pedis, & pro cemento genere distingui, cum hoc foemini, illud masculini generis perhibeant. attamen apud ueteres uarij codices reperiuntur. Nam in Vergilio & ferrato & ferrata calce, & in Catone calcem arenatum legimus.

Talus.